讀

書

写言

疑

固無所發明而 此二家爲多然其舛誤則不少矣吳氏纂言成 **叉在陳氏後亦不見陳氏本而於衛氏集說則爲之刪** 冗其 衛氏本其所援 氏集說序於寶慶丙戌陳氏集說序於至治壬戌寶慶 則專取與陳氏合者亦閒及纂言而收載甚少於本 不著其名疑元儒在衛氏後故不見於集說陳氏所 理宗年號至治元文宗年號也相去已久而陳氏則 記疑卷之二 **賀應王懋竑予中甫著** 功爲大其議論精確有先儒所未及者 陳氏說亦畧無裨益在諸經大全中尤 引僅十餘家若亮軒馮氏恆 至禮 軒劉氏 於順帝 記 則

敬者之言也安民哉敬者之效也何叔京書纂言載之通 鄭註禮主於敬儼矜莊貌人之坐思貌必儼然安定辭 朱子日毋不敬統言主宰 然弗 一辭者正其言也正與文集相發明而 載呂氏語毋不敬者正其心也儼若思者正其貌也 兼動靜言儼若思專以靜言似與朱子不合真氏又 也此三句可以安民按鄭氏証言簡而確故朱子通 節意不合祭言並載之而 下矣後之學禮者當 動而 陳集說不載非也 神明昭衞若有思然此亦與朱子人之有思 全則以 處儼若思敬者乙貌也安定辭 附觀焉庶幾其得之矣 合註疏衛氏集說纂言參考之 與氏謂

儼然若有思靜而涵動也感而動之時安然定其辭動而 主靜也似皆添設意思非本文之旨或問程子未出門使 安安而能遷與積而能散爲例鄭云謂今已安此之安圖 然通解不主此說 後有害則當能遷雖淺而確安安而不能遭則所謂懷十 民之時如何日此儼若思時也是專以靜言眞氏之所本 鄭云齊謂祭祀時孔云凡祭之前齊於適寝坐而無立今 引身犯語為證以非所當安故貴於能遷應語太深非是 倚立多慢不恭故倚立之時必須磬折屈身如祭時之齊 懷居者註以徙義言之卻太深安安猶懷土懷居也鄭註 也孔疏極分明今註疏本祭時誤作祭前故集說同之失 云立者謂祭之日立於神前時非祭前齊戒之齊凡人之 依三

謂事之所宜若男女授受不親而祭與喪則相授器之類 禮負者不以貨財爲禮之類使於他那必從其俗故有入 其旨矣 境而問禁入國而問俗之禮長樂陳氏曰記曰禮可以義 呂氏曰禮有不可行者必變而從宜如老者不以筋力爲 起從宜之謂也又曰入國而問俗從俗之謂也朱子曰宜 適其時也朱子所引卻不以變者言更詳言之 俗謂彼國之俗若魏李彪以吉服弔齊齊裴昭明以凶服 數語而已不多也纂言改從別說蓋以爲文辭之辭與禮 不辭費辭卽指禮之辭禮必有辭如冠昏士相見皆有辭

父在無爲大夫者矣胡說於三賜終覺不順合缺之 受但受之而 |賜不及車馬朱子通解用註疏說而謂君之賜非 一饗不爲髤只指平常言熊氏此傳家任子 之不受而已可自爲之理無是 大夫所當受之車馬也葉胡兩說皆難以通 衣服車馬也與饋獻不及車馬同義按朱子引叔孫 子不敢受大夫之位也篡言引胡氏說賜與也三賜貨 敢乘爲此然 者思謂此無正文若已傳家則食變子當 不用耳葉 也然已傳家而父或自與賓客在 叔孫乃天子賜以路故不敢乘非 氏則謂不受 也 疑父在而不爲大夫 車馬則徒 如葉說 行平若君

孤子當室冠衣不純采專言嫡子深衣云孤子衣純以素 皆不可處也呂氏行險儌幸句尙未分明 登危註疏皆無解蓋卽登高臨深而廣言之凡危險之地 苟笑如子路笑之之笑故與苟訾爲類藍田呂氏曰苟笑 處故人子不爲也 近於詔非也 則嫡庶皆然崔靈恩云指謂當室不當室則純采深衣不 而父在者遂可爲尸乎與經意違矣孔疏曰尸代尊者之 卜筮無父者陳註主人之子不可爲尸然則非主人之子 云當室者交畧耳集說不引崔說則與深衣不合矣 ||言爲人子者謂处在也处在子不得爲尸故鄭註云尸 1邱說交陵大阜也註疏不解邱陵二字以

已位上 句爲 與此 已位 云蜡稻雌也席 眾 舠 耳集 别 集 躐 而 席 非此 正熊 一即須立於席後乃得當已位上 謂登席當 與玉藻 發初從 說 說 城 乃釋不由前之故爲 解氏 人所恃 可以出矣 義 說而朱子云與之同葢 旣 凉 田前 地 知何據 也朱子曰此是眾 同按玉藻云 以爲 鋪有上下將就坐當從下 既違 安固 城 註 高見聞者多故不指 升席 者語 疏 其由前 幾更自 席 又與朱子不合且 深可 不由前爲躐席 人共坐 則躐 一葢以前爲 IJ 升席不由 而坐亦遠 解 相違背 席 也集 侕 旣 前 後 疏 呼

此用孔說余謂旣云姑則對姪而言也旣云女子子則對

父之姊妹有子之姊妹已嫁而反其兄弟皆不與同席共 之矣註疏及前儒皆無明說 本義字許嫁也然旣云許嫁又云字則字非可以許嫁言 男子二十冠而字女子許嫁笄而字則女子亦有字乎易 **粉此從兄弟二字為之分解然不如鄭之直捷也** 統乙矣鄭以兄弟訓男子正合此意纂言謂一家之中有 父及誻父而言也言男子則其義不明舉兄弟而上下皆 **至人親饋則拜而食言雖有長者在而主人親饋及已** 拜以荅其敬但不執食興辭自同賓主之醴耳若不親饋 則

是集說前一說本朱子後一說本訂疏而畧變之然爲子 祭推之此語爲非古之飲食必祭乃不忘本之義非謂敬 無父祭子夫祭妻之文故記禮者據而言之戴氏所疑爲 按士喪禮虜禮特牲饋食禮少牢饋食禮皆以子祭父而 要交意亦無所當也示嘉戴氏曰父不祭子二句疑與上 張子說是集說未見分明 主人之饌也 說則父餕子餘夫餕妻餘紊尊卑之序而於不祭子不祭 **灭不相屬处不祭子夫不祭妻各使其子主之示有尊也 / 饌於父妻進饌於夫則不祭而食於論語疏食菜羹必** 《餘不祭父/不祭子夫/不祭妻從朱子說爲當若註疏舊 則是專爲長者設而於已禮不隆則并不拜而食也 《爸三 ĬĹ.

也當是具其多少之數於書以獻非劵要之契 者執右契予人栗者執左契以待之取人栗者執右契以 合之皆與獻栗不合易日後世聖人易之以書契契即 **之右者先書故爲尊呂謂古者以契爲信居者執左契行** 君王所賜可爲已有此說非是呂氏因有采地之說采地 獻田宅古無之戴記雜出漢儒非古也孔謂或有重勛爲 鄭註契劵要也獻粟者無所用契孔謂兩書一 不饒益其多按左傳水獠方降與天降淫雨同義非池氣 潦魚鼈難得故注云不饒多也或云水潦降下魚鼈豐足 水涸魚鼈易得本廬陵胡氏孔疏有兩說一說天降下 **一降也胡說未確** / タミ 扎同而别

欲 也 道 繕修也 冶 字同呂 云急堅也繕讀 師之象陳氏此解最爲紕繆 誤以士 人使歸之接陸 之 所 业 師兵眾也孔云虎威 難言 師 三百作 呂訓 說以賜與分君子小人 爲 則 官故云非所當警備者而又改云虎威猛 也 而致 所 而 賜 致其怒 日勁以堅勁軍 本 · 來取 但 Ž 其 而難 怒是 謂 而 也 急 猛兵眾之象最爲矛明集 取與之 莶 治 胡氏日繕完 而補正不之及何 鄭 之威怒呂 云臣不 而難言非所以 肞 未當當從呂 地 敢煩 與人者 按 氏日急 左氏杜 也 迫 惠

蒸調大夫之名亦固有眾所當諱者是所謂公諱此恐不 夫以下或使人歸之祭於公助祭於君也下當作上 是大夫之处祖諱尊之故不欲犯之耳大夫非一人彼 然古者生存不諱臣且有與君同名者無諱大夫之名當 **尊君諱也或云大夫所有公諱者君及大夫諱耳亦無** 疏云大夫之所避公家之諱不得避大夫之諱所以然者 別上字之誤謂鄭因君以明臣非也集說載疏語而去 矣 私講按此有兩說疑後說是葢君諱自不待言此大 乙故日公諱若云避公家之諱則不特大夫所爲然 朝治事之所無爲大夫諱故日有公諱也陸氏讃 間教學時也臨文謂禮執文行事時也胡 7 卷 一疏 劕

部 與 妹者平此 詩書 不諱 处 功 云教學臨文不 則 处母兄 可乎大 加 王皆云世歲也見釋文嘗疑去國三世更父子祖孫百 同諱 小功 於 已爲 取 功 不諱誦詩韻書時也臨文不諱文謂文章也故 議 之 弟 不諱此語却 自不足信熊氏云大功亦諱 小功之諱者多而記何以 則亦諱之是明與經文反 功 私 世父叔父 禮 小 曾祖而其 卷三 斯 功 之家徒爲煩亂 諱 不諱言其不與父同諱 此當 解 姑 服 分 明而 則 姊 從 妹子與父同諱世有諱 小功曾祖齊衰 胡氏集說 疏 而無當於 引雜記以亂之雜 斷然言 也馬氏說尤姓於 小功不諱若小 從舊說而不 理若 者 服 而 之日大 业 已與 而謂之 分明 弗 功 與 同

之事也 烱大夫恐未然 孫與盧王不同 年之久而虧祿猶列於朝出入猶詔於國恐未有是事以 論語邦君之妻那人稱諸異那日寡小君曲禮自稱於諸 司士當之非也案此本郯子所言司士本作司事事祭祀 節云大夫見於國君國君拜其辱卽指本國之君其交同 孟子去三年不反推之則盧王解爲是鄭云三世自祖至 五官以周禮言之則司士當爲宗伯之職註疏以夏官之 大夫士 大夫士見於國君註引聘禮謂見他國之君此亦未然下 **不應異義也** 相見亦指偶爾相見之禮註謂聘於他國而見其

專謂無史筆者不在此限亦未然秉史筆者獨非人臣平 若謂不得言君之過則魏鄭公錄諫爭事付史館真乃非 死亦大檗 **主恩一主義亦有不同揚人之惡自是不可非獨君** 犯皆以諫爭言隱則不犯犯則不隱相對言之中著而 非兩意也鄭以事親之隱謂不揚其過失事君之無隱 論語爲正 君之禮而不辨寡小君非自稱之辭也此記者誤文當 臣之義矣事君者道 不匿情兩句差互失其旨矣陸氏說尤非君親 右曲禮 小君註疏皆引陽侯繆侯事謂大饗有夫人見他 指台者言之非謂與親一 合則服從不合則去記 例也劉 **氏說得之然** 謂服勤至 例 而

思失禮之事皆不見於他書大抵戰國時異學訊訾之語 檀 治亂之源未始不分於此如變雅板蕩 断於此可矣 以孔子爲非是乎屈 可謂揚君之過者而聖人存之於經然則如陸氏之說 云不畢辭以赴淵兮恐壅君之不識班固揚雄皆有譏 不明此義 載而 艺 弓疏以爲六國時人作以仲梁子六國時人也其所載 謬如孔子不知父墓孔氏再世出妻及曾子有子子 非非自有萬世之公論人臣至於南郊稱天以誄 图 下朱子爲之反復嘆息親爲作註後之論者亦 厲 而後之人君肆於民上而羣臣莫敢以矯其非 則亦有之不盡以諱惡爲義也自說春秋 | 卷三 原離騒發憤極言而於九章之末 召見諸詩是豈 者

是孟子所謂處士橫議者而後儒一 **張子所疑是也凡檀弓所記其不可信者多矣** 乙甚矣 **殯葬皆必誠必信故無** 朋友之墓有宿草而不哭焉自以經過朋友之墓而言疏 以年譜計之孔子葬母時年十七矣張子曰是時安得 **開喪在一期乙外亦當寫位而哭及不當以期年寫** 及有事故須哭如此則哭焉若一期之 張敷云謂於一期之內如聞朋友之喪或經過朋友之 門人吳氏日合葬必在數年之後其時已有門人也按 家立哭位以終期年葢駁之也 鄭註謂爲師 心喪三年朋友期可則不然故疏 朝之患患即悔也當作君子無 從而附會之亦誤 外則不哭 L 也 拘

世聖人易之以 周註云燒土冶 九 故 鄭莊死 潮 友 浆 惟 不可以爲相 朝 字 集說又以家宅崩毀爲 毁 之思 地 品 周於尸 **又音洛今集說音洛非子卯不樂亦是不作樂** 日不 日不用舉吉事則樂字當 滅性謂雖終身念 而 樂 有終身之憂故 而 棺椁虞氏尚 以周於棺釋 恐其常 逐謂之 註疏皆言 相乎此 毁 加始 也 親 息 朝 未有掉後 鄭註患 文云燒土 日不 而 之患似皆 (薪而) 如字謂 刖 不 得有 暁 腡 疏 世聖人連殷周 爲 也調殞 文 非是 孰 不作 偶 及引易大 倒 則 朝 樂 滅 五 耳 滅 也 其 八身之 非是 傳 制 者 楪 疏 皆 塱 患 云

琴自外作歌由內出也按此說迂泥之甚祥之日鼓素琴 以手手在外而遠徑歌以氣氣在內而近也長樂陳氏 此必記者之誤君子有終身之喪忌日之謂也弔於人 孔氏日喪服四制祥之日鼓素琴不譏彈琴而譏歌者 之驚敗與車右無與也記止言縣實处死而公誄之未嘗 乎卜咎之之辭所以深責御者縣賁父因此赴敵而死 -- 古棺椁無度則虞時已有棺椁而以記爲不足信其言 也 |参謂筮御與右也則卜御與右可知末之卜猶言無 **心上也不應舉其氏古者** 不樂館有大祥之日而鼓琴者乎以檀弓所記推之則 **卜右則御亦卜也周禮八日** 用 馬

責之所 皆無所據陳氏謂公責其輕者以見其重記稱縣死即 集說皆不載其語 宋師于乘邱宋敗非魯敗也長樂陳氏謂魯敗於二人未 及 喪從其厚則二十七月不可改也此古今禮制之大孔疏 **姑息姑且安息也尸子註姑婦女也息兒女也義亦通然** 死之前宋敗於二人旣死之後春秋詳其終記者述其始 在此當從註疏解 一十七月二十八月而樂作各有所據先儒多是王肅然)詳言之集說從鄭註而不具載王說全不分明疏畧? 肅以禪祭在祥祭之月二十六月而樂作鄭以禪祭在 國以卜字偶同遂謂責卜國以及御及謂二人俱死 **不及以見其責之所及皆是誤解又案春秋公敗** 其

公五 起 後世論 至其曾 而 於 逆 同 世皆反葬於 暑 豳 謂 其本之義 迎寒則龡 而 孫哀公爲周夷王所烹其在 反 亦 武 化 盛於 子成 仮 其所自生之 此 其所自生 斷 ア発言 入爲 斷 不忘其本之大者如尊用 幽詩派年田祖 無此事者然 寢 周 南國故二 杜 近 天 地 氏之葬在 時 虎 義 **双書九** 顧 南之詩用 亦存 氏 辨 則龡 其 西階之下且 其 惟 而論之可 周 或 無是事其說 之鄉 <u>+</u> 敘 豳 無疑也古 卒 雅 於 祭蜡 酒器 人 周 亦 用 也 極 ムヤク 則 之 陶 那

也不 爾可之尚知 **爨室記禮之變也檀号稱** 紀 一部帝王世紀二十四七鷹陵胡氏四 女霄 版不受 舜三 初 有 明燭 妃 無 Ź 光 妃 謂 云云此皇甫女於婚孙無 此 娥 之宝爨 舜 敢作樂 春 之文古 知 無子 肵 曾申亦 返且喪 應 妃其論 無 寢於自也 而適有謂 人居喪不 或 諡 因 三 妃 而 妄 三 妃 也 三 字 葢 妃女英生 人禮樂不離 日曾子 因 後室明曾 禮 甚 辨 受業 余証或謂多者 記益 妃 商 ៣ 均 者 戸爲自此異 附 業 燉內含不未論 曾 會

羽籥 不以 淵 古者國子教 之 廢也廣 則臆 爲肄業及之 地少 說 之事調者詩書禮樂之文大功廢業 可 俊 特 廢 |游氏說業字亦得之 論 分明然當以朱子說爲 舠 廢業 思爲 安游氏日 而習業於此故謂之業舍業者舍歌 孔 耳 周 |屠蒯| 原 以歌舞歌者雅 禮 則有兄 思葢 司 |古謂習樂者爲業 業 亦 日辰 謂 矣纂言因此 據 不 家語子思無兄 在子卯學人舍業皆以歌詩 司 可大功 集說太畧 樂 斷所謂後聖有作 也 **颈之詩是也舞者** 以下 長 而謂 樂陳 左傳甯武 不特誦 111 也然 氏 子思兄早死 丽 誦 舞 則或 業 可 可 之業 雖 者 因 則 加 從 歌 業 妙 歌 也

見微 疑女於夫子與易疑於陰記疑於君疑於臣並 馬 字途啓註 意 縫故喪冠之反於吉非古也此說爲合但冠字少 或子尚幼皆未可知亦與記所云不相悖 亦 **疑子夏無異於夫** 氏 各 以申祥爲 **周公之制喪冠縮縫吉冠衡縫末世禮失喪冠亦** 不必敗作儗字也張子疑夫子無異於子夏恐當 疏之 見齒未嘗見齒言其未嘗微笑也三年二 人號哭之時目有淚出子鼻雖當不哭時黙 所 淚如血之出經三年之久如此人 闡 疑 非禮此未然記日云云 不當以彼駁此也申祥之哭也或尚未有 子纂言日索居猶言獨 此爲父後者子 大笑則齒 居 也 同即 比艇 思 喪

鄭註言笑之 陰 叢 笑 不載 記文矣 句言 則齒 陸 可以通矣凡集說於鄭改字多以音代之 依 飾塡謂 無反而反之刄降婦 加 三年之 誤 埋 鄭 取 本見中笑 日池殯坎 胡 微與未嘗見齒 枢謂之肂肂 懸銅 內常 說依之 明文方是 氏說廬陵胡氏日 《客三 也 有 魚以實之謂將行也鄭註改爲 則露齒 旣 哀情 而音填爲奠音池爲徹 坎謂之池是也按陸說甚 祖 微笑則不見齒 則塡之故 ൬ 句相反集說從之非也 無 池 樂 禮也其意謂 時 以竹寫 臣主 也按纂言 圭 之衣以青 人旣奠塡 此依鄭註 而此 不言 降婦 說 疏 其誤 新 最

IJ, 其製台與常 是去有先後各守所聞而往也曾子子游同 **裼裘襲裘有主人未變服變服之分然論語羔裘元冠** 边 鄭義亦與本文不合集說從疏非是纂言兩載之亦未審 非禮 人而 後行 同 弔 ൬ 姓 弔 則統言之未嘗分也張子曰曾子子游 袒免 孔 語 不告之也此段義 明 禮 葢 氣輕脫 疏明早婦 加 人殊若使 lll) 朋友 厚亦未可定其云爲重服以譏之似未然 柩旣反婦人辟之復升堂不應更降故云 必非 俱 人從堂更降而後行遣車之禮旣達 存 曾子語集說不載張子說 一人失禮必面相告豈有私 他那亦兒檀弓之免或是同 可疑按張子說是如之何其裼 是 同弔異服必 聖 門 非 指 是 高 姓 弟

4

Ξ

改 則 解 可告語雖 矢未 世本文 名 不能深寫之 非禮 、約雜記所 大豈 而就 不則世本 服 曲 重服就臣位 客位 矣 爲 反不之改 不各三 木 可告 灩 識 不 之 正人· 爾牟其字也然 則 مروب سريم 必以 解今皆畧之 記 闡 話 也暴言載長樂陳氏說言 麻 而 也豈其然乎凡檀 衰牡 亦安必其有益哉旣立 却 服 未嘗以義理斷 加 非禮 譏也 故 可 麻 爲 疑 也且 重 吾聞 絰 仍如故是人之 服以示其意若 記者之辭 稱 與惠子爲友 游於司冠惠 君 之
今
亦
姑 子以禮 盂 不應稱 马所記 適 字或文 耳繁言 JE 依 加 所 禮

征 之家孤 其意言之然以義言 與舅之 **灭義爲順張子** 削 未分明纂言引陳祥道說以亡爲死兩解衛氏集說 義况謀人之邦邑其危由已致 母節集說解本之註疏後又載朱子說則與註疏不 胾 彌牟反切爲木字彼實稱名而聽者以爲彌牟 繁言之鑿 則衛說亦 推思養 妻相對爲服築言從張 泛論也張子曰此是甥自 也與上 |異文爾註以亡爲去位非是危邪無可 不 也 不可無服所以爲此服也非是從母之 說於從母之 備 也 則張子爲得纂言發明亦詳但以 夫舅之妻文義 子按註疏 幼居於從母之家或舅 而 可去之乎應氏說是 說 則於相 爲順皆 曲解 各 爲 服 皆 無 同

-[

兄弟之子猶子也言皆期服與子同也胡氏以猶子爲 未之及也 一見之妻從母之夫不得僅 空之下立二 卿之 稱朱子力辨之然未及此 孫下卿而 1 諦侯三 下則五小卿 比於父母也 乃小司 小司徒司馬之下立 例之則只是 夫子乃爲伸孫氏之小司空小司寇也案 人小司寇小司空今夫子爲司空乃小 卿司徒兼冢宰司馬兼宗伯司空兼司寇 冦 也祭言本之謂季氏上 如昌黎 爲五大夫五大夫者司徒之下立二 依從 韓 以同爨總論矣此義 母家舅家同居者爾未 人為 公 幼鞠於嫂且 小 司馬兼宗伯之事 卿叔孫氏亞 一爲服 古 期其 姪

E, 久 何 爲諸 其字寫孟 弗忌為宗 **氏日滕伯文乃二孟之** 國 司室之屬與崔 據纂言從之亦 旅 政攝行 何以僅 叔孫氏之司馬鬷戾自稱我家臣也記孟獻子之 是孟 父及 四 昆弟可 皮兩句文同不 虎孟皮爲滕 相事也魯有 伯是别有太宰司寇宗伯而崔氏所言未 為孟孫氏之家臣且家臣未升諸 布 疏據 不考矣 不同孔子行乎季孫與季桓子見 知矣吳氏謂註疏 此謂家臣亦有司 叔父也於其兄弟之子且 伯叔父而 臧氏為 應 12 異義疑馬氏為是而 之親可知矣此說亦得 司冠又羽父求太宰 滕伯皆爲之齊衰 以上其字為滕 馬司徒 丢 公何 而司徒 行行 補 不路 以 伯 喪 與 可

謂 是 禮 與此 孙 俱 後 敖 邝 復 祖 雨 朝 註 髙 載馬說皆以隸僕註爲據爾 知 廟 者 漕 於 祖 云自婦 小竅大寢之必爲廟寢也疑馬說是衛集 **寝然隷僕先言掌五寝又言祭祀修寢葢雨 -F** 惟 自前 廟 有 \overline{h} 云朝哭 朝 ൬ 所 東榮降自後西榮在正 廟 冥無 夕 奠 不於寢非求神 即位至 大 (K111) 酒 未然 旭 脯 朝飲也夕哭即 必有考其朝哭 此唯三言朝哭之 以檀号考之則有 小 袓 不設於序西南 寢 廟 之備 燕寢 也疏 寢 寝 先 ク質 寢謂高 不於 據周禮隷 爾餘並 則路寢 Ļ 醴 ij 敖氏 加以下 奠文不 其夕哭 同 也 僕 氏 朝 哭 訊

到 新 前 補言之又 儀禮記燕養饋羞湯沐之饌如他日鄭註饋 夕食也孝子不 |未徹也夕奠文旣不具未知徹於 朝 從之而劉氏璋註家禮謂朝奠將至徹夕奠夕奠將至 明行事者先微奠乃以朝奠入至夕徹朝奠進夕奠書 就帮從做者而 存也進徹之時如其頃賈疏鄭証 夕之奠而後奠以此推之必徹朝奠而後夕奠開元禮 **奠此本之開元禮書儀此雖非檀弓記所及然亦當** 哭止乃奠奠則禮畢 日中直有朝夕食也按賈說非是孝子事 タ不言 忍 1年二 日中或鄉畧之亦有日中 入舉席掃室布席如初卒奠則是先徹 日廢其事親之 滅 燭 禮於下室日設之 卵黨 何時但記言朔月童 戸 而 不言徹奠則奠 日中 也或以死 死如事生 三時食 朝

証別之非是又此下室之饋皆象生存故進微之時如 食 雖無明文而千載而下可以意測也敖氏謂下室之饋使 至卒哭殯宮朝夕之奠 謂象生平進食之時之頃非謂朝夕奠也曩據此而 文王朝於王季日三 則問朝食 不食夕不食是古無日中食也鄭此註是而賈以郷 死後而去其 不及日中食喪禮朝一溢米暮 謂於彼於此葢 [誤非是又殯宮有朝夕奠而下室之饋自如 謂此三婦或子弟之類葢平時進食亦未必皆 日暮又至則問夕食古世子之記日朝 時之食古人只朝夕二食無日中少 一鷄初鳴問寢安否非食時日中又 已徹而下室之饋則移至正寢 不知神之所在而彷彿以求之 溢米孟子亦言 占

朝鲜而 身 復於寢之 經有士燺醴 夫經所不及者多矣有朝奠無夕奠而及糸於 也 經文謂 之後豈大斂後僅 親爲之旣在喪次不入中門則使人代之亦可也萬 奠猶朝夕哭則下室之饋遷於正寢當在卒 皋此祥事又可據經文而謂並無 以意度之 存朝夕哭當 無夕箕乎何以云經交所無 萬氏何 無 日朱子謂卒哭之後不復饋於下室此 而無兩群祭禮記有之小群曰薦此常 下室之饋而 左氏所云特配於三者 以解也下室之饋記不言 ノタニ 以朝夕上食故但不 一朝奠而每日遂無朝夕奠乎抑 記所云饋於下室 而 記不當 則移下室之 小解大解之 止於何時禮 如朝夕奠之 削 别有之 殯宮朝 法諾 哭後之 徹大鮫 一饋於 祭禮 事

於經皆無明文而記言燕養饋羞湯沐之饌如他日雖 言至於三年亦未嘗卒哭而除也祔畢三反於寢鄭必有 而朱子從杜氏說則大祚後當 故畧攷 未嘗言祔畢即遷廟也萬氏承陸王之學必以朱子 而逐不朝夕哭也鄭據穀梁練而 耳小稍後除朝夕哭豈自此不復朝夕上食乎抑 がタタ 附辨之至於卒哭之後移下室之饋於正寢似爲 肅議禮必反鄭而於此未嘗異議此雖經 豁 如事生之 奠至於朝此及孝子不忍死其親之意陰陽交 說而俟後之君 止載 說可以言下室之饋而不可以言朝 鄭証 向以方說爲是未之詳也朝 子質焉 祔祔後方徹 **附廟則練後已徹 灰几筵** 所不言 也

接 喪次之 時專指小祥以後尤拘而不 既殯之後 小祥前哭必以朝夕也且小祥之後哭無時與未殯之 **時有三種未殯之前旣殯之後與小祥後是專以卒哭後** 喪國之士 哭後惟 喪哭無時此通三 三年豈以大夫士 一年之 中哀至則哭非朝夕外還不可以哭也記 朝 亦復不同不 ,從其利者葢通卒哭以後而言孔氏謂卒 喪 夕哭卒無時之哭此先王以禮爲之節其 逑 多矣 期而從 日入言之耳此義當補 卷三 |年言之正是補明此義 何以必使此衰絰之人也曾子問 而期之 政疑 可以例論及以下句謂此之哭 一外途 此末世之變禮 可以通矣 可使乎君 子不奪人 君薨聽於冢 孔疏謂哭 日父 無 毌

冠為 服 線後大祥 爲 冠 三年之 八升 承 中衣黃裏者黃為 受衰裳六升冠 孔疏 同 喪 正 ൬ 後 故 功 业 摲 降 雑 此 故 日功哀賈 然則期 又日小解 記 服 疏家拘 小 細 加 鄭註 七 祥 中 升 飾 而 而著 賈疏 衣裏也 升 泥 功 爲 斬 氏儀禮 之黄 小が 也 之 衰旣練之服 衰裳三 誤 練 衰裳 袑 Ī. 中 灭 疏 禮 服不 衣故 升 也 裏 以其冠爲受衰裳 日斬 미 开郎 也 則 正乎是人臣 冠六升 | 按註 日練 辨 衰初服麁 也 可變中衣 疏 疏 既葬後 也 一線衣 衰也 非 至 刖 者

尚 功 勿灰 11 其 秱 按赛子小庭而 衰 īlij : 加 如 活 灰 讇 冠 功 緋 說 練 則 袞 衣 盐 則練 則無 衰 用 卒 皆 之 熟 而 哭 緣 升 用 衣 加 繒 肵 當 不烹無衰爲升 布 卽 與 灰 卷 似 同衣套而烹机升 受 以 軣 錫 如 非 正 則不 此 非 故 服 功 則 推 典功衰 事 地 除 衰 然卒 功 之義 之 加 布 則 衰 灰 而 哭 非 事 練 同 爲 呂 不 ·布當. 以 輕 冠 但 氏 成 縷 亦 功 更 冠所 衰 斬 布 服 地除既非衣 用 加 如 中 六 練 小受 布 錫 則 雖 衣 明 升 也 治 卒 輕 之 練物 有 其 也 故 而 哭 緣 丽 冠 云通 說 所 與 袞 假 不 丽

無裘俱非也但裼襲之别專以裘言 葛春秋當用袍繭之類冕弁 (疏言 朝服夏 明衣 經文 六冕皆有裘與皇 袍 視 袒 夏則不砲 衣褐衣 四時衣服之異大檗 鄭註 則中衣之 有弱交 必 禮 加 因 卽! 中
紀三 推之 衣冬則加 所據 氏異今按惟冬用裘其夏時 īΕ 用葛也欢 而 服 言楊與袒同玉藻 加 禮皆 無襲衣也 也 無臭 元端 裘 時別有襲衣 裘裘 無陽襲 而 氏 服皆然或云 加葛葛上 服若 孔葢 同 此 則不 而 加 尤 裼 與練中衣 以練 在 唯 加 分 衣 服 可以通 湯 移衣· 明皆 有裘 朝 布 聘 則褐豈 禮 爲 服 中 當 或 低 熊 有 同

道 年之殯非也纂言載之非是葢三年不用者謂外人之疏 兄謂 弟父 君所皆免上 但未詳耳 以三年之殯言雜記云三年之喪雖功衰不 殯 也至於五服之親不 則哭之於家以雜記兩條證之益明方氏叉謂大功 三年之殡舉其重者而其他可以類推然未之及也 間 則 這兄弟之喪雖總必在 加 雖 在喪 他 有服而將征哭之則服其服而在又云有殯 這末 者葬 方氏據三年之喪不用謂雌總必在 鄰不在以大功以上而言亦非是此條 一衣乎此不可考 人奠卒奠出改服 地惠據 可以已則服其服 此兩條集說以三年之殯 非兄弟雖 削 位如始即位之禮 鄰 而往哭之其在 不在按此 明 自 諸 解

分元明月 同 極言之如有服句不承功衰爲義皇氏 服 國 則 鄭証 丽 則往哭之與此節 分輕重通 殯聞這 古 往 不言其制 相七 則齊 **殯時斬衰亦服其** 兄弟之喪 一寸存稱 衰亦於 加抗 以世 三年當往也 **参三** 夫子 例父 席 哭於 制於 正相 之 功 則 喪大 衰 棺 中都 發 服 乃 側室 叉引雜 記 服 必有椁而 明通典王瓚 而 其服 往也 不 四 無側室 有 す之 記斬 服之 雜 此 相大大夫 季康子之母 其制 哭 下日 質如 記雖 則 £ 於 寸 檀檀 通有 功衰 功衰乃 檀 不詳土 門內之 枵 喪雖 喪 服

置之墓 窓宅之 位 疏相 旣 排上 中也匠人主木工之事刊治有功故主人拜之也 殯 鄭 殥 門外也 不踊婦人哭於堂鄭註匠 下棺也按 旣 中 後 來黃氏喪體 但至此時將用故主人親看視旣哭之則往 旬而布材與明器則掉及明器之材布之已 不 故 既筮宅 葬不更及 反位拜位也既哭則在施之竁中以 用 (士喪 對每束以一行之衽連之若豎束處 釘但先鑒相邊及兩頭合際處 相於存張子曰古 則即營建兆域矣井模桲形如井先 亦有并棹葢 禮旣井棹主人西面拜又左還棹反 耳 人為椁刊治其材以并構 是先累木於墓中 言井棹 以小要連 買 疏檀 自

每段長六尺而方一尺未能詳其說也 再得二尺則四 則六尺以横言之亦| 只一衽也棺皆 止六尺也天子之相 **棹以端長六尺當以橫** 可證陳說之誤 則相 兩邊皆有衽故日以一行之 回 尺四寸梯叉厚二 周前後與兩邊 載於輔車 謂敢木以周龍輔即所謂棹也 不足或者 四重以註計之共 處 而外叢 形元自分 有四尺共得八尺孔疏 尺棺椁之閒何容 同喪大記註 從言棹周 紅連 廬陵 兩邊 非

厎 、方葢 記 **棹之制記言相周於衣棹** 之義 相 則無有也此纂言之誤當正之 材樗材 而 亦甚ら 同 無益 旣 亦並載之得 也以士喪禮考之椁謂之井椁則似井之形葢 中比葬則下棺於梈天子亦然是棹至葬方有之 註 地 也 以 明 抗 附合之不 ili) 以其有底故藉棺 則殯時無棹可知士喪禮將葬井棹旣 疏端 也檀 席 鄭 疏 綇 及不 弓柏棹以端長六尺鄭註端題凑也 註旣井棹往施之竁 毋 知 頭也又云 相 孔疏象 矛 周於相土 祗用茵以其無葢故上 盾 與旣 以考諸書 此木之端首 周 中葬時下棺 丽 明疏 則相 材 凑 向 有 明

一 便木名 便房黃腸題凑各 之適 **未必方如井字註** 折抗木抗席皆有 一字實鄭註所本也反復參考都無明說讀禮通考:木名非也則漢儀注乃不足據而黃腸題湊以椁言 此互言 有地大 非也則漢儀汪 日漢儀汪天子陵中明中高丈二尺四寸周二 木黄 次楩棹柏黃腸師 殤公之 席皆有圖而棹無之葢不能 心致累相 君 庶長殤孔疏 即 疏不甚詳 也 外 具 鄭註庶子言公早建 故 古日便房小曲室也 服虔日便 日黄腸木 君五等諸侯 更 以意通 房藏中便 頭皆內向故 註庶子言公之 乏 以圖也井言 也公亦諸 如湻以 之 一心蘇 已是行

曾子之於子張朋友之義比於兄弟而無服故不說齊衰 有殯聞遠兄弟之喪 非也纂言並載兩說而無所折衷其意未詳 **莊疏皆以杖爲服斬疏云君喪則備服衰杖不云衰從** 知也暴言載疏云杖謂服斬疏無此文以意推之 在官者 **不達於君謂府史之屬此皆曲爲之說府史之屬乃庶** 少卿 常卿杖以其爲長也太常少卿則不杖以非長也豈太 爲服斬故云被君命故稱達官對不達者爲長故云長 謬補正不之及何 則不服斬 爾不得謂之官也以朱子之說推之則專三杖言 子也集說引此而謂公專言五等諸侯其解 乎此當以朱子之說爲王而註疏之言 同 也 國 則往哭之葢制其服 而往 江疏以 哭 也

服無服 明 之意 襲裘 弔 於 應 邈 而 夫以 哭 孔 非 之鄭 氏 左 也 句 殯 而 以曾 有服 傳 云註之孔用 節 斂 稱 似分義氏 喪 之 天 後 攝 欲 不明非有 云 爲服 悝 相自解服 速 正 貧之 反 對指於無 肵 非 主 禮 值後期服 後註友之 둨 謂 귦 非也 有 類 誤 醴 灭 公羊 註而哀云 實言痛乃,非 未而甚解,其 義 服 無 劉 氏 義 起 則 說 有孔而鄭 實 者 後 知 祭 制 固 疏氏征註 也有哭以 也皆 聞 葢 其 而 亦 來 未然 此 善善 形 多 君 之 非無 据 若服 若服 無 乏 之 殺 制 引 喪 然 檀 鄭証 攝 有 有 年 推 凡非非 所 何 謂之而 喪

則逸 無主許慎 矣疑 引王 敢 說 是 宜 肅云重未設主之 固 侯 按 有 有 有 何 王 五 肅 明文 而 之先 經 叫 者 說 異 無 以 說 最 魏 也 義 為 旜 卷 紦 一个案 言 無禮 長 大夫士 明 别 又 清 陳 則 座 氏禮 禮 其 經 位 主 河 一無主 リ 有 三 廟 適 也 聍 傳 道 有 王 未見 士喪 地 服 固 懌 大夫束 有有主 本之 無 埋 而 云 禮 重 士 饋 何 鄭註 亦 則立 食 帛依 夫無主 祭法 重 說矣清 爲 耳 大當 神士 著 則 别 之 將

喪碹 卒 子字 云 素 哭 諸石環 袝 卒哭 般 據 而 同 則帶 後 未 調 夫素 鲁 脫 昂 於廟門外不合大 地夫 脫 Z 葬 與 絟 分 而 帶於 平崔 别 葬 **巻三** 旣 此 庾 天子 知 陸 麻 說 也陸 靈 之 卒哭乃服 興 如 環 廟 氏 風出云 也 陸氏同然 門 謻 爵 外去麻即 侯 氏 升 |則素| 卿大 天子諸 以 立 而 爱 大大士 委 文 服 亦 無明文 葛 與 親 推 倭 不 疑 吉 豈 周 之 弁 加 則首服 蓋 在 葬後 陸 環 斯 各 據 說 絰 則 醴 返故 弁首 妊服 爲 故 也

誤意 以其旣葬故以神言疏云日月踰時敬心乃生大夫士 集說否親託體地中當 言葛葛不言絰 秋時日邑戰 陽洪氏曰當作陳行人儀使於師夫差謂大宰 而 仍用麻與孔異愚意弁経葛葢兼言之皆易以葛経不 互差更錯其名按此說是纂言從之集說葢未之考也 人作故 葬敬心未生也其語非是然可以知集說之誤矣 指釋與不知此有司之事非孝子之事也神 九縣晉絳縣 邑裘氏與縣潘氏兼而言之裘氏潘氏 國 互文爾 時日縣然春秋已有以 邑名非是 **双趙簡子誓辭上大夫受縣檀号六** 以禮敬之心接 山川之神 名者楚城 嚭 刨 親 固 簡 說

煎棺封字乃假借言之 非葬時 將 假 句絕 楚 尸斂於 記也其去孔子時達矣故所記在在 秋 可詳考關之 荆 兣 所云公室 乃 初書楚 指 小斂 也 以 一般為 葬之 一般請 棺 楚 朝於 為荆 日期 乃葢記云季康子之母 舉男女奉 封是矣而記言 視豐碑 μJ 以機封疑是不以土 下棺於 也 益以州舉 荆此說乃先秦人之作非七十子 而 檀 棹則及不合此自記文元有訛誤 **稻喪禮之入棺** 号記楚事皆 三家視桓楹語不合以 尸侇於堂 也其後皆曰楚至秦莊襄 死不言葬注者及斷方 舉而以機運轉侇堂 大煎士舉 死又云小魰則死時 荆 多可疑者後 亦稱斂也然與公 有子言夫 後

問述証数 自百及邓滑 石盆 川為 河流, 引檀 间 使 郊 與禮 質然豈 此以為辨也 遇懿伯之忌敬子不入杜 叔 马而 惠伯報 及勝郊遇懿伯之忌逢其 語家都 敬 有怨 入始 疏 叔 殺 左 大 謂敬叔 一一一一一 於懿伯 異鄭証 疏亦不 叔父之仇殺彼人也惠伯以公義 不 難惠伯 引左 必然但以此參考則禮疏之妄不 即此敬子也 不 疏 之考乎集說引到註得之 知 亦 之故以左疏考之皆是後來 而難惠伯其解爲謬 止調敬 何 駁其妄 據又曲 叔有 仇也敬叔不入以 懿伯是惠 註叔弓禮椒為之 而暴言 為解在 怨於懿 伯之 叉備載 路不難 此 伯難 疏 权 亦 不 臆 惠 旜 惠 可

說為定也 乏若是 思 劉 証疏 日為 はん 氏以懿伯之忌為尼日案喪大記大夫士 各 伯當除服 者 明矣左 據 利 Ā 以擬為 懿伯之練祥無疑矣當是練 所 則歸哭於宗室註尼日死 大祥之日惠伯服制已滿無所避矣竊意當以 叉調 疏 傳是以自 其解 出劉 故敬叔爲惠伯欲至次日入而惠伯以義 紼紼 此 輔榆 唯 卷三 緊於輔三臣者合廢輔 據 | 炫禮疏出熊安生皇侃故不相合而 煩 殯 相 沈 時大夫殯用 以水澆榆白皮之汁有急 剌謬而不 明而於爲榆沈故 知 日也此指大祥 棋軸 日叔父之 也 故 不 得用輔 日竊禮之不 ~服 贝 期 若 朝 地 則

孔 吳又 也 徆 棺 無所 木性 殯用. 制皆 於 疏云天子之殯載 明 上而後途之諸侯以輔載柩不畫爲龍亦累 प्रां 朝 以前 以幅 用葢 從陸氏說榆木名葢以爲輔車之輪轂者沈稻重 說存而關之可也 不可考諸家率以意言之註疏 廟 既重所載又重為 下棺之時 疏參之葢天子之殯叢直木以周 饀 轉動甚易旣不用 不爲題凑直橫木覆之亦泥塗其上按此 M 竊其禮 别以末亦 用輔無以解於此語也大抵撥榆 柩於龍輴累材作掉題凑其木幬覆 丽 難 不中事宜者也其說 轉動故殯設撥 叢 輔則撥無所施徒為虛器 相向 說方氏 以 於輔 撥其輪 木爲棹設 爲順然 說陸

啓無窮之爭也故子皐曰買道而葬後難繼也其爲慮也 塗之/木 設爲是言以見夫子亦不得而責之記禮者 於此條橫木覆之一語方悟其制然亦未知是否 原壤沐椁之歌恐無是事乃老莊之徒自放於禮法之 **遠矣鄭註侍龍虐民非也** 人之禾 者溝洫缺澮之閒皆有道路其葬也必不行於田中犯 則後之葬者道旁之田得援此以爲例是行小惠 别有木以覆之而幾疑以棹木爲題凑是以參差不合 題奏唯加周橫木覆之其上而 微有所犯而已非廣有所踐踏也以邑長而且償 題凑所云 則直叢於旁非椁也而其形則似於椁疏不 為屋四柱其制可以想見諸侯則不直 已椁之木則横界而 不察而載於 明言

雷廚以記者之誤載爲正也 **篇纂言謂夫子天覆地載何所不容然則於壤之夷俟** 趙文子晉世卿執政之臣不必與人交利其子世爲大夫 取之孟子言巡狩取之虞書言歲三田及大司徒大司 儒猶有一二存者大抵采取六經諸子之言如言班爵祿 原美文子是直無識之人耳纂言所載孔疏及李氏註頗 **犀賢者如是之多其所舉亦不應止於管庫之士也以此** 王制乃漢文帝合博士諸生作其時去先秦未違老師宿 **有微辭然此意亦未之及也** 何責乎朱子謂不可但已只得且休亦是因文立說竊謂 必屬其子於人也管庫之士所舉七十有餘家不 右檀弓 卷三、 應管

謂含文嘉之文不可用也而以孝經爲夏制又妄矣 盡 鄭箋則庸 五瑞五玉見於虞書則五等之封舊矣夏殷相承當亦 / 鄭詞夏爾 可見其餘葢皆有所本也惟周禮未出故所言與周 庸 同當從鄭注大 同註家多以周禮證之宜其乘戾而不合 鄭註小城 爲附城 一官取之公羊言諸侯 功也 詩箋則非也 三等殷因之其說無據葢以緯書言之疏亦 別馬 以此集說民功日庸本長樂陳氏與註疏 曰附庸孔疏庸城按此則庸與鳩通王莽 《卷三 雅 以作爾庸毛傳 解呂記從鄭而附注毛傳嚴粲 以詩文義考之當從毛傳鄭於 朝聘取之 H

|家六人下地家五人不同孟子以力之勤惰言所食有多 展夫食五人本之孟子與周禮大司徒上地家七人中地 寡之不一周禮以地之肥磽言所授有多寡之不齊也且 孟子明言上農夫下農夫周禮明言上地中地下地疏家 名考之於經皆無所據陸氏引周禮公所受田在大郡之 秦制天下爲郡縣故稱天子曰縣官其稱畿內當 率台爲一非也 農夫食九人其次食八人其次食七人其次食六人 天子之縣內蓋本秦制言之鄭云夏時天子所居州 卿所 受田在小都之縣地大夫所受田在家邑之稍 內舉中言之亦是强爲之

第凡國之貴遊子弟學焉大司樂掌成均之法以治建 學政而合國之子弟焉王制小學在公宮南之左大 顧師氏居虎門之左司王朝掌國中失之事以教國 氏說以為諸侯相朝者是也記 鸟周禮 京師氏所教乃小學而大司樂所教則大學也王制· 為周制 公卿大夫元士之適子皆在焉大戴禮云王子八歲 虞庠爲小學而周之虞庠在國之西郊故謂 正合註謂殷制非是 以余考之蓋不然國之 入大學尚書大傳云公卿之大子大夫元 三入小學年二十入大學此八歲十三歲者 文衍 小學自天子之元 一與字 小學在

经三

厚而 剛 兼 郊學 公 卵大 入 者在 制 於 長 叉郊 失元 小學 樂劉 非 小學 此謂 者也 學在 大然學矣三周 東 而 王宮之東 然 適 國 世 里畿 右置子門大小男千 禮越 之小 西 别 師氏言國之 有小學 矣 郊 云 學學十 在必里 亦與 中 也 物 學 至 被残 國 應空 禮 之 在 貴遊子弟 郊乎 俊 註 暴 選 則 無 以山 虎陰 則 豆 習 耗 浩 鄭意 聞陸 屬 於 者 别 焉 在小郊伯 置 小說以 則

泛溢 發語辭 明辨也 所受 陵 用為不足以多用為有餘也而說 圭田無征鄭 日之暴曬乾暵 過多宜約之以限節此 方 氏日以 長樂陳氏 削 干畝 以 就 田謂餘夫所受二十五 云夫治 其田必使餘夫治之故謂之 之圭田也按吳氏說與陳· 其說考之集說不盡然也 田然也 へ岩三 日夫圭田無征者 削 小宜 **| 雖餘夫之二** 也治圭田者 而 加之 削 足少 陳氏殘敗汎溢之義謂 2以浩潤浩如水之浩 一一一一 用 以治田之 正相反集說補 不稅廬陵 田圭 有 差 祭言り陳 胡 也吳氏 有云夫圭 田 爲 氏 田吳 卿

者矣 老弱而已方氏蓋推言之而不直以夫字爲餘夫之田也 皆於經無所見陳氏謂鄕遂之所考在三年大比之時 命鄉簡不帥教者凡四不變而後屏之本交不著其年鄭 吳氏因方說而畧變之但夫圭田三字不詞疑從胡氏爲 註據學記中年考校以一年三年五年七年九年爲率而 子之出學在九年大成之後則又與註疏不同大抵周禮 孔疏更詳言之及謂大學正簡不帥教者在九年之後此 班固食貨志日八歲入小學學六甲五方書計之事始知 王制學記所言各是一 又有見於圭田無征者所以優賢能夫無征者所以優 ララミ 事必欲牵合爲一 則有不可以通 团

學諸 大學 醴 所言小 記 大 節 业 古未達當必有所據也舊以库 班 氏論 制 里 有 謂 之學日俊 命 有塾黨 理 侯歲頁少學之異者於天子學於大學命 纫 而 考之 入學之 班氏之言 秀異者 鄉 節 論 使 學大之義 班 秀士 有庠 氏 期 おここ 移 別馬與 升 同白 郷學於庠序庠 爲 鄭証秀士鄉 則以里閈之 · 長尚書大 一 有序國有 大學學 司徒 虎通而 選 學爲 焉傳 序為鄉學皆 學鄭註 不言為 序之異者移國 夫所考 (推其) 小有 司徒論 别 朝廷 一禮 小 行

調 移 鄭孔之說皆以鄉學爲小學國學爲大學也然在二 **雨之左大學在** 庠 未必有德行道藝之可考而鄉頒不帥教者至於移郊 當與餘子同故鄭知二 入小學二十入大學餘子十五入小學十八入大學 **遂九年而後屏之亦非小學中事也王制小學在公宮** 可使 左學西序虞庠小學也末云其立鄉學 固有小學大學 習禮 **冠始** 學專承上文庠制 者 學禮 中所 郊鄭註及云上庠右學東序東膠大學也 **及**明大傳 此 **鄉學中亦當** 十習禮之時在大學也據此 似鄉但有小學無 王子公卿大夫元士之適 、學日俊士年已二十故 有小學大學也孔疏以 亦如之是國 鄊 則

有大小學矣 則止 則其譽 也 云命 以 固多也郷大夫之職 鄉 則さ 距 思頑 里思 也 百 惟 冬至 郷 B 則創 苦者 惰 國都 觬 爲 拁 豖 不 四十五 能 逭 故 未嘗終歲 大學之 帥 子皆入學年十 爲 教 爲士者 者 姚非 日 之

移

移

移

郊

移

塗

頑

造

之

列

此

卽

周官

所

謂罷民

傲

很

教

四時皆有所習

鄉

於學之中

地古者士

或歸之於農

或

(降為

始

出

學傅農

事

則

郷學

固

始入小學年

中學業之已成者則不必更屬之學而教之也按鄭註 受之登於天府內史貳之蓋選俊之士乃取其材之秀異 身ূূূূ在哪學其解德行云孝友之徒道藝云多才藝不以 三之秀者以告於王 學業未成 地 鄉大夫所考有德行道藝者則以選士爲三年大比 而與賢者能者以禮賓之厥明獻賢能之書於王王 物爲說其後 則升於天府身則任以官爵則下交云大樂正論 M 此鄉學之人有秀異之士者升於司徒名進在司徒 孔疏則以進士為大比所升故止 云鄉大夫論 故以屬之大樂正而鄉大夫之所 又云鄉大夫三年大比獻賢能之書於 殷周同也熊氏以爲此中年舉者 日進士也彼據郷人故三年 典 則 鄉 量 所

郷論 無與註疏之 武之固絶 孔云選士 而爲 别則太 則較 秀士升之司徒 雖升名司徒猶給鄉之徭役俊士身雖升學猶 熊氏所言殷周之分固無其據而其判兩者而 劕 役若其學業 有選士之造有俊士之造然本文謂升於司 不相合而大樂正所升屬諸司馬亦與鄕)說皆未然也竊意周禮王制各有所指 一升於學當卽指俊士若謂學業旣成與俊造 孔爲得矣 年业者 士外别立造士之名故孔疏迁其說 《给三 見此意也後云國之俊選皆造焉又一 而周禮 既成皆免其徭役者是謂造成方 三年 大比則登之於 砉 如 同

之不同諮說多鏧唯廬陵胡氏得之孔疏四術不可暫闕 **大寒大暑之際固不便於此也故以春秋學之至於詩書** 選則造士創俊選而孔疏所云失其指矣陳氏集說不載 蓋知此意特牵於鄭註爾方說推行爲詳然愈舛矣纂言 春秋教以禮樂冬夏教以詩書此只概言之蓋禮有升降 大樂正論造士之秀者言俊選不言造士言造士不言俊 明文王世子春誦夏豉秋學禮冬讀書與此小異是所傳 則調讀而已鄭註以陰陽爲別非是又云互言之詞亦未 孔疏爲得之 取之非是四術創四教孔疏當光揚尊崇此四術以爲教 俯仰周旋進退之儀樂有干戈羽籥焋歌舞蹈之節冬夏 敷暢義理賛明旨趣使學者知之 17 17 11

詳矣考之經則惟王制曰小學在公宮南之左大學在郊 學也若周則大學日東膠瞽宗不得爲周之大學也故鄭 於通解學制篇謂其名號位置節文之詳今皆無以考其 郊馬有虞氏之庠制是以名庠云孔氏云殷之學禮在於 國西岸 **貫讀者|不必深究也然其大畧亦不可不知謹案鄭氏云** 爲鄉學則周之尋常習禮在殷學之中至九年爲王子不 學大學見於大戴禮保傅傳尚書大傳白虎通食貨志 學明堂位云瞽宗殷學文王世子云禮在瞽宗殷之 制云 此而他則無所見鄭孔諸儒之說紛紜不 夏虞庠周亦小學也西序在西郊周立小學於西 鄉 射云周立四代之學於國而又以有虞氏之 # AL. 111 放朱子

詞夏豉在殷之瞽宗也註云立三代之學者謂立虞夏殷 宗又在大學則其餘亦可知也又云春夏學干戈秋冬學 其學習之至二十入大學之時仍於大學之中衆習四術 學即東膠也又立小學於西郊小學卽有虞氏之庠其習 故証云習禮皆於大學是周之大學亦習禮也禮旣在瞽 書於虞氏之學習禮樂於殷之學習舞於夏后氏之學故 變其習禮當於東膠大學然則餘子十八入大學嫡子二 羽籥皆據年二十升於大學者若其未升大學之時則春 云吃謂以絲插詩則習詩亦在瞽宗然詩與禮樂雖各在 **龙大師詔之瞽宗又云禮在瞽宗書在上庠詩則無文鄭** 文王世子云春秋學干戈秋冬學羽篇皆於東序春詞 十入大學者皆殷法也若周法立當代大學在公宮左大

學皆有大學小學今案下養老於東序是周之大學夏 東 序也 也其虞之學制在 在郊 庚學 五 學若周别有小學大學何所教也鄭氏又云董仲 也又云周立三代之學又立周之大學於東謂 禮故辟雍大學在 者鄭駁異義云三靈 在 國 名大學 又曹宗 郊庠如疑 制 ൬ 鄭 云 証儀 一養老於虞庠是周之小學爲虞庠也又 Z 其說則上庠號誤當作東 日成均則虞庠近是孔氏 殷學也學舞於夏學學禮樂於殷 國兼在西 禮云周立 郊劉氏則以爲周之小學爲 即序方 即周之 郊郊則周之小學也 雍在郊熊氏謂文王之 四代之學於國者合周 **胖**也 先 師 大學爲夏之制 又云周之大 以爲三代 塒 地

之學若曾國之比東序與虞庠相對東序在東虞庠在 也 也 柳若三代天子學總曰辟雍當代各有異名但無文可知 宗虞庠及 東膠立小學於西郊謂之虞庠又云周以虞庠爲 · 矣那 |郊或徧 · 又孔氏云諸侯唯立時王之學其有功德者得立三代 按虞之上庠下庠殷之右學左學夏之東序西序其大 又周禮疏賈氏云五帝總名成均當代則各有及四郊之學也與在原表戴註則似與庠外別 虞庠爲小學虞庠在| 有自相纵牾者如以東序爲大學 分雖無所據然無異說若周立四代之學則鄭 在四郊鄭氏註 大戴禮 西郊而又有上 加 M **叉别有東** 小學

國之虞庠矣三代學各有大學 與長 樂到氏據內則十有三年學樂誦詩舞勺成童舞象勺者 **象者武王告成象舞之詩舞羽籥者文舞也其樂以象爲** 周公告成大武之詩舞干戈者武舞也其樂以勺爲節 南皆大學之法也自春誦夏豉以至於禮在瞽宗書在 100 12 成均 焉石林葉氏叉謂干戈羽籥小學之教所以成始則獨 未可非也成均辟雍皆天子學之 東序刄有東膠有西郊之虞庠刄有在國之上 **葬**則成均辟 大司樂掌成 樂詩書禮樂大學之 樂劉氏合而馬氏 為虞 定針 W 2/2 1 1 1 氏 雍自君法 口為問大學之名諸語以為明確在如此為明確在如此 則云自春夏學干戈以至於胥鼓 教所以成終則備 小學孔氏駁其 名自指大學 政王制天子長河小學恐未足據 習以經其說 非是然 庠 則 焉

東序之舞則周之教法可知其言瞽宗與諸說别而成之 詔之瞽宗則春誦夏妓大學之教非小學之教也又云 學葢周制也葢周之學成均居中其左東序其右瞽宗此 王制所謂東膠者其即辟雍與其說位置不甚分明長樂 周之東膠與之並立立虞學於西而殷之瞽宗與之並立 庠皆小學之法也則仍用註疏說矣長樂陳氏及謂瞽宗 陳氏則謂四代之學見於王制而周又有辟雍成均瞽宗 以東序之舞則仍舊說也石林葉氏又謂立夏學於東而 小學之書以進於瞽宗之禮樂由瞽宗之禮樂而成之以 西序左學虞庠小學也故庶老於之養焉記曰天子設 主以樂教春教以樂語夏教以樂音其義爲難知故大 師

司行事祭先聖先師焉卒事遂適東序設三老五更之席 學所以教諸侯之德夫天子視學則成均也命有司行事 蓋夏學上東而下西商學上右而下左周之所存特其上 學之名東序瞽宗列於左右故分言之則曰成均曰東序 所謂食三老五更於太學者也然則商之太學在周謂之 有司卒事適東序設三老五更之席即養國老於東膠心 叉日食三老五更於太學所以教諸侯之弟 祀先賢於 大學也虞庠在國之西郊則小學也記曰天子視學命有 西學亦謂之瞽宗夏之東序在周謂之東廖亦謂之太學 而右學東序蓋與成均並建於一邱之上也陳氏說最 先師先聖焉即祀先賢於西學也所謂祭於瞽宗者也 分明然以東膠為太學恐不然蓋成均居中自當專太 学学三

皆爲小學其說尤與諸儒異亦附載焉淸江劉氏曰周 老庶老則養於小學而已陸意蓋以辟雍爲大學而其他 膠爲太學也朱子謂陳氏說與鄭氏諸儒之說其位置有 最后中其北為有虞氏之學其東為夏后氏之學其西亞 立四代之學者此直謂一處並建四學周人辟雍則辟雍 此學也又日上下二庠東西二序左右二學東膠虞庠皆 山陰陸氏日東膠虞庠郊學也交王世子曰凡語於郊者 日瞽宗台言之則日大學而已故分言之則曰適東序設 小學也先儒分爲四代之大小學非是三老五更者天子 三老五更之席合言之則曰食三老五更於太學非以東 不同者皆無所考令亦不能詳定姑摅其異同於此 大老故於大學養之記日養三老五更於大學是也國

說 殷 也學貴禮天雍學東 說 就 與長 人 就 總尚誠日子惟舞爲建 虞 焉 之 而貴成帝人天干東周陰 當 學當 樂 言而均入大子戈序 包 **库辟雍唯** 天 陳 之尊是東學承羽其辟氏 回代 所以 氏 四賢也學則師籥西雍曰 至於辟 具學上帝向四問者寫則天 **畧同但云** 芝制: 紛 籥 亦庠入親學道就瞽辟 长 紛 之養東宗窪立 故記禮者 推 子養老 雍則 如 三序當居四 其北 业 環老學 之多者 則 學入賢東水五樂禮其並 三學之 爲有虞氏之學 大而序而更德者有其 或 日學貴是觀及樂就爲 所指 師 有指虞庠 承德也之出語瞽成學 環 成 謀 完 始而宗入是受舞學其五 水 也 體 典 而 教問是南之成者書北直 受 則 觀矣大 皮道也學謂等就 者爲於 偏 之或 也 陳 并辟帝尚辱就成就上 氏 劉 祭雍入齒雍焉均上庠處 所 學 **荣是北而學當辟庠其並 劉** 射 氏

說 升之 必氏故學學均蓋太類示 剼 徒其進士 進亦是二 極 此 氏 爾之陸得爲爲辟子也敬 進士 븳 國 鄉 也說氏之皆南雍齒若道 學國 仕進有二 未别據小學非及辟也 其選 削論 則必命 以王學則其曰雍及 道 學教選之異所以 成制而異所太雖日 可為選 均南此又學子太司 道 乏 為 不 當學又陸之少子徒 法 過 鄉學秀者之升 之當謂氏官長不論 及註疏皆無其據 朝 與國 然爲四前是知得選 士者司徒試用 延之官 刑 爲 成周學謂以好預士 均制皆上云色故之 鄉逐之吏而 爲世 弟 而爵祿之其權皆在大 辟周大下陸則日秀 同矣 家 似名則庠亦學子而 日選士 之 此其二也 編 皆東亦東本學設升)此其一 選 知其果然 戸之 大膠不西劉者四之言 用 國學秀者 學在合二氏所學學 之權 别 之南其序說學當蓋 也 按 然 别而引左而之入東 庶 在 劉 司徒 名曰據右以官學序 陸東五 成也而之

孔氏日大樂正論造士之秀承王子公卿大夫之子 專據王子等其實鄉之入學爲造士者亦同於此其鄉 是老人不宜久立當用折俎之饗燕食之食異姓之燕禮 德詔爵以功詔滁鲌知凡入仕者皆司馬主之也其云 更死事之老該凡庶人之老乎三老五更養於太學不與 也案養老有四而疏止及其二其以致仕之老該三老五 其有賢德不可以褻禮待之其饗死事之老不必有德 凡養老者同而庶人之老則不應不及之也 可馬無二 **小在學者及邦國所貢於王亦升之司馬蓋司馬之職** 云凡燕饗食致仕之老則當用正饗正食正燕之禮以 不在學者似指三年大比而言則是凡仕進者皆升之 一途也與劉說異 | 公元

也 熊有酒而無飯以鄭註推之燕禮亦在春也皇氏云春夏 郊特性云饗禘有樂而食嘗無樂是故春禘 疏云郊特性不云冬夏者彼是殷禮此云冬夏者周法 **銀用之之義與鄭不同一日而行三事其必不然皇說非** 鄭註凡飲養陽氣凡食養陰氣陽用春夏陰用秋冬疏 商迪文故知饗在春食與嘗連交故知食在秋而不及 但未深考也熊氏言 以飲爲三亦有食先行饗次燕次食秋冬雖以食爲 郊囚春言夏因秋言冬雖周冬夏不養老也陳氏集說 有饗先行食次燕次饗一日之中三事行畢按皇氏解 夏則用虞之燕夏之劉秋冬則用殷之食此亦本 歲養老凡七而疏及云去冬夏則 IIII 秋嘗饗與

也

イニ

燕

別

是集說載熊氏未之深考也 爲此說然以文義考之非是將徙於諸侯自是言欲徙 異說按此泥家字叉疑將徙不應自言於上而得復除故 侯來從於家者謂諸侯之民來徙於大夫之邑諸家皆無 從欲去者來徙已來者其說為是而衛氏集說不載繁言 所著也自諸侯來徙家言自諸侯來而徙家於此意自 更無養老則通季春三養老而已陳氏禮書亦言歲養老 明如疏說當作來徙於家本文未嘗有於家也 未徙者若謂徙於大夫之邑則於本文無所見且將字何 孔疏將徙於諸侯謂大夫采地之民徙於諸侯爲民自證 仲春也季春也仲秋也而言熊氏為誤疑則禮書所云 歲五養老又春合舞秋台聲卽是春秋養老之事冬夏

翌

亦從舊說

季夏祭心冬祭腎及不相合疑當從許慎說蓋古尚書舊 有是說呂氏則本之不可以今文尙書說及醫經相難駁 祭脾以木克土夏祭肺以火克金秋祭肝以金克木而於 鄭孔據牲之五臟當春夏秋冬之位其說不的陳氏謂春 右王制

也

高謂之邱陵則邱之稍平者也陂謂陂而不平之處險則

其尤陡峻者也廣平日原下濕曰隰方氏所解得之獨謂

水之 所行為險非是

種不入鄭孔皆不解不入之義山陰陸氏曰不入非不

一熟而不入吳氏曰入謂收成而入之倉廪也按首種

唐月令春分之日元鳥至後五日雷乃發聲後五日始電 先雷二日鄭孔無解集說云以節氣言在春分前三 則發聲在春分後所謂先三日者乃春分後三日也篡言 種也此亦可備 來年於天宗無不言所祈者而此薦鞠衣不言所祈及鮮 實鄭云不言所祈承寢廟可知諸家皆從之按月令祈穀 亦大檗以節氣言之其實雷之發聲不可預定也 但云於雷未發聲之前而不釋三日之義當從唐月令此 於上帝爲民所祀山川百源雩祀百辟卿士 乃薦鞠衣於先帝鄭云爲將蠶求福祥之助也乃爲麥祈 **픎開氷先薦寢廟以彘嘗麥先薦寢廟以雛嘗黍先薦寢** 入似是不能入地之義因水潦雪霜故稷不能 呈

薦寢廟凡六見無言有所祈者不應於薦鮪獨言爲麥 及此者矣 鞠衣於先帝爲祘麥之故也廬陵胡氏日蠶桑后妃事非 實也疑乃爲麥而實五字當在薦鞠衣於先帝之下其薦 陳氏集說此句無解 非可决之物故鄭云溝上 開通道 天子所當與下云脈麥實安知非脈麥乎則先儒已有言 道路按此亦曲為鄭解開通道路當言水之道路其脩 皆以開通水之道路也若修治道路則不得云開通矣 天子嘗新先薦寢廟以犬嘗麻先薦寢廟以犬嘗稻先 防所以東水使無泛溢道達溝濱所以决水使無壅 |路孔疏||云此旣爲||雨决水||而云開通道路恐道路 1 名三 一有路言道達溝瀆之時須脩溝

| 響聚不以性主穀故云以嘗黍孔推其說以爲黍非新 說文所本 遼筐註 **黍萘邕以爲此時黍新熟今蟬鳴黍是也鄭謂此嘗** 律中黃鍾之宮鍾磬柷敔皆作鍾字說文鐘樂器鍾酒器 絲以織皆各效其功 知所據也方氏曰遷席之粗者筐筥之方者 月令於仲夏明言農乃登黍又言是月也天子乃以雛嘗 方氏曰分繭所以使之繅稱絲所以使之織分繭以繅稱 作鍾詩鍾鼓俱作鍾左傳千鍾等字從鍾黃鐘字從鐘此 作鍾字周禮鍾鼓鍾磬俱作鍾與黃鍾應鍾同漢志黃鍾 **火湿名按二字古蓋通周禮樂記鐘磬字作鐘** 流無解集說蘧圓而筐方似以蘧 也 一爲選除之選一 而黃鐘仍 雛 非

10K 似 配 仲夏未熟也蔡說非鄭義按鄭說明與記文背而 疸 分堂以兆域 稱君也左傳云句龍爲后土后土爲社則是句龍 玑 配 四 之正 同能入保謂四境有兵警故入相保守也鄭註小城曰 解 未然左氏傳公爲見保者而过註保守城者當從 鄭 氏日五行獨土神稱后者后君也位居中統領四行 取舊黍故下孟秋云農 兩祭非謂轉為社神也月令土 孔無解說文堂臺也廣韻堂墓域也塋卽 反謂蔡說爲非篆言載 與左傳文合鄭孔之說非也 而言邱壟以冢而言也塋 《卷三 乃登穀註云黍稷於是始熟 孔而去蔡甚非也 一既是五行之神以句龍 呂覽作營聲同通 邱壟而有 孔曲 此義 一 為 保 明

調當作營與審字對言未盡然

拜稽類哭鄭云奉子者拜哭後子 **小未之及也 小言以蒙上文可知也孔疏不** 此爲本 皇熊庾氏之說不則王肅 川孔疏云前不云社稷宗 兩 改冠 以名編告於 三日未能衣衰也故皇 叉載鄭云乃銀存異義 加 何衛 則 無 無 之氏 决 ~ 註矣說 斷 三加 亦 丽 衛疏 冠 Щ 可 一點調 川 之引則孔 說 廟 後 氏王肅皆云以 心集 誤鄭疏疏 此 此不云五 節 及此殊為缺畧集說纂言 誓 以名編告及 踊襲衰杖皆奉子者 兩 **聚**竟得主 以 說 何 言列云鄭亦於相意 鄭 全 酒 無註 祀 昌 衰衣奉之 和 互明也 此 鄭字疑 稷宗 廟

火 然未之 離以 後說甚 分 Zī 禮 此說全不分明其意以父双而 Jn 歿 祭告之後使人酌酒以飮已榮 明其引醴 賓此正父殁 以吉禮禮冠者蓋齊衰以下可因喪服而 酒 **叉引士冠禮云若孤子則炎兄戒宿冠之日主人 熙以泗正也其用醴及三醮爲適子加耳庶子則** 而 而 明辨不能使學者無惑 冠另為 足矣於此可證有冠醮無冠醴之說集說兼載 醮反重且 不 分膮纂言止載酌酒以飲已而删其云三醮者 不 而 條孔疏 醴醮則每一 冠之禮也集說云父歿而 改冠安得有三 孔子旣答其問又釋父歿而 也 加而行一 冠連上 一加也 万賜 爲文謂災之 **離几三離則體** 通 栅 解於庶 冠斬衰 酢 冠謂除 也 此說 子章 紒 喪

降散等執事者亦散等雖虞耐亦然鄭註將祭謂練祥 弟 **斬衰不可叉不知何據也** 乙甚者案熊氏是誤解雜記雜記云炎母之喪將祭而昆 亦不得以祭熊氏謂身有總服則不得自爲父母虞祔卒 大夫乃以妾之緦服而廢炎母虞祔卒哭之祭此悖禮 要抠削去者則亦祭不待三月也又云三人至昆弟虞 疏離祭已涉於吉 **死旣殯而祭如同宮則雖臣妾葬而後祭祭主人之升** 可因喪而冠必待除喪而後行吉禮此說不知 不祭謂已有總服廢一 以喪冠者雖三年之喪可也則斬衰亦在內矣此云 此謂同宮縄則士爲妾有子大夫爲貴妾也據此則 尸柩至囚不可相干虞祔則得爲之 時之祭也祭是吉禮總 何據然 服雖輕

散等即在虞祔之後亦散等也故疏云主人至昆弟虞 但以其說衰與奠爲非禮爾張子謂吉以臨祭事似是已 **有喪而脫衰以與他人饋奠之事則擯相益不可矣方** 而行父母二辨句自分明熊氏以本文之虞祔爲父母之 FI) 好此雜記此條三昆弟其云雖臣妾之喪 「擯相獨不忘哀乎士則朋友奠固可以與人饋奠之事 則指昆弟之虞祸言承上 衰與奠非禮也鄭云為其忘哀戚然下即云以擯相 **稍故有** 不明陸氏以衰服爲總是又在相識有喪服條內 至殯後葬後若虞祔卒哭則不待葬後至本文虞祔 而行父母二群祭執事者亦栗階按祭謂練祥之祭故 不得 爲父母虞祔卒哭之祭其實非也諸家俱 卷三 一既葬爲文言不獨既葬而 包

男女改服即位而哭其成昏與否未之及也以喪大記言 意然與擯相句終不可通也 **衰之喪則須自已行吉祭後方可爲人執事此仍用忘哀** 孔子語也 子焉得舉康子之謚則諸問雜有後記禮者之言未必盡 則三月而復寢乃成昏孔叉云初昏遭喪不得成禮則 可考女家齊衰之喪於壻爲緦服大功則無服矣豈以 似成昏但不行同牢饋饗相飲食之禮耳凡此俱無明 以魯哀十六年卒而康子卒於魯哀之二十七年孔 不行昏禮乎皇氏改服即位之說亦不見於經未可 **泰言謂緦功之喪除服踰月可與人祭齊** ベル・こ

其以急舉兵之故不欲頻奉遷主以行故更作僞主歟凡 集說所謂對言之者然竊以爲未安君之臣最多不在 ※

岩母如母載於禮經子游所問當是問國君喪惑母如 桓子之卒孔子在陳出公之來弔孔子未親見之蓋傳聞 君喪則亦在君所候嬪訖而歸居於家有殷事則之君所 母之喪有殷事則來歸家平常朝夕則不來恆在君處此 此供不可考 人而子之於殳母則或一人或二三人未可知旣**殯而** 臺灣談記者脫國君三字也此干載之下可以意會者爾 **一辭爾齊自太公至桓公已厯十六世不當無遷廟三豈** 同不應以或在前或在後爲分别也更

字改入既殯條下似於文爲順然非疏義矣讀禮通考大 夫室老與大夫內子皆各爲一 **有舅姑之喪其禮悉同夫也纂言以大夫丙子以下十** 內子條疏云舉此一 所之時則在家朝夕之 在家朝夕之奠亦闕故室老子孫攝行其事原並承兩節 **八夫室老行事士則子孫行事大夫內子** 上牲祭於宗子之家祝日孝子某爲介子某 | 統旣殯未殯兩節言之疏云以 親弟也如爲繼祖之宗之從炎昆弟則崔氏云 組之宗之家如爲繼曾祖之宗之再從 條婦同於夫則君旣啓及君未殯 條 大夫士有殷事 北繼

廟官 宗之家而已不得立曾祖廟也又如已之親宗兄爲繼 於繼曾祖之宗之家也其爲繼禰之宗則立禰廟而祖 而已不得有一 **反得立三廟繼** 大夫而爲庶子則不得自立一廟而繼祖之宗爲十 立於繼祖之宗之家曾祖廟寄立於繼曾祖之宗之 經祖之宗則自有禰廟及寄立祖廟而曾祖廟仍別寄 之宗則是合有禰廟而祖廟曾祖廟皆寄立於其家 弟當寄立督祖廟於繼曾祖之宗之家以此推之已 禰之宗則祖廟仍寄立於繼祖之宗之家而已不得立 師 廟上下降殺 廟也王制大夫三廟士 祖之宗亦得立二廟 阅 兩疑以王制爲是以疏所言淮 一廟祭法適士 祖廟 廟

之家実此義未知立所主義を表示される。 其本稱 宗兄宗弟宗子其云宗弟者或庶出 也 士一廟得祭 孝子其祀宗子之祖則於 謂之宗子若 兄宗弟蓋 云孝子某為介子某薦其常事者不可以通矣記疏? 禮文殘缺 士者祭 也 以其傳重言之則日宗子以其行輩言之 爭不 兼言之疏云昭穆異者雖祖父及子孫 旭 知必夫居 是寄爲者 祭 疏家所推皆 禰 (平廟) 則配 則於祖句 行則配 否立総故更於穪不 為大夫而立則士不得以祭而 曾祖 其祖 以意言之未盡 行爲兄弟 可通而 可稱介了 繼祖之宗繼廟而祖廟曾 於曾祖終不 而 祀 宗 子 之 子而宗子不 些で 云宗子者 可 據臨 河則日 미 之 於稱 乃此 通

延 九齡之夢傳之者妄也疑因金縢之 特牲饋食祝辭稱孝孫此士 詳問之 旭 云以祖配則祖妣也今云不配則祭不及祖妣矣此亦 **大戴禮保傅篇八歲就小學束髮就大學白虎通日** 而衛集說諸家何有爲之證明者是又夢中之夢也 行為從子皆不得稱介子也此及可疑更俟精於禮 小學十五人大學向書大傳日十三人小學二 右針子問 小學大學皆國之學故白虎通曰此太子之禮 - 五入小學十八入大學按此年歲不同疑保 **着**三 廟而得祭其祖之明證其 2語而附會之此自宜 、歳 傅

庠序而 于入學之 後則 傅少傅 澗 出入時教諭 入皆預矣亦用鄭孔義 **贝别** 以尚書大傳十三歲十五歲及十八歲二 師保 是皆明以 庠術 入大學 入小學則由整而 有 期亦有此意 則師也又曰入則有保出則有 序寫 在左右矣入則有保出 師乎禦 德成以有 心通解註以大戴禮 爲四 云在前在後謂 人矣長樂陳氏 定 四人維持之孔云 入庠序十 図 學言 其在學 日太傅在前 i i 師豈太傅少 則亦 時 為 入謂 少傅 由

宮之爲親廟何以别也按吳氏所駁諸說最明其據下 燕寢同爲下則悖義之尤者不可從也 之若鄭註以貴宮貴室爲路寢而下宮乃爲親廟與下室 之未必皆有的據今但取其說之可通而無悖於義者從 其說亦可通當以纂言爲正或疑仲子之宮乃禮之變非 責宮貴室爲親廟以下宮下室爲别廟如仲子之宮之類 爲 責官貴室下宮下室集說依鄭註而鄭莊以貴宮貴室總 止言貴宮下宮而不及室明宮室之爲 身而太傅在前少傅在後 制也未必諸國皆然然記禮者之意亦多以其意自言 路寢集說分資宮為尊廟貴室為路寢不知尊廟與下 而左右之與鄭孔同集說全不辨 入則有保出則有師四人者扶 此 其說亦最當

尋常規學則於東膠中唯行養老之禮非始立學則不釋 始之養也適東序釋奠於先老鄭云始始立學也孔氏 事而先老則親釋奠必無此理鄭云於先老親奠者已所 命而始之養老處也當以繁言爲得之案釋奠於先老蒙 **奠於先老也纂言則以始字繼畢事反命而言謂卒事反** 立學之支而謂先聖先師命有司行事先老親奠卒無說 字生義然以文意尋之殊為未合纂言以其未合故刪始 釋奠先老之禮與註不同疏蓋以註說有所不安故就始 以解也共謂視學觀禮非爲彼報而先老已所有事故 有事也孔疏謂此始初立學之時若非始立學之時則無 親奠此鄭曲鴌之 解恐不可據 戶

謂紀之以義也退修之以孝養終之以仁本文原自分明 愛之以敬也禮之大者所謂行之以禮也上下之義行所 省具爲愛敬增親迎肅之爲行禮旣歌而語爲紀義全然 在修之以孝養下偶倒其文耳陳氏集說以孝弟爲大分 終皆是行禮禮必有義此兩句當通言之而記者偏有所 爲行禮而合禮之大上下之義爲紀義與本文異其實始 亦不明 不台吳氏篆言說爲順但分釋奠先老設三老五更之位 一人之記事也以下俱照前文各有所當但行之以禮當 **斯鼓徵所謂慮之以大也釋奠於先聖先颐先老所謂** 非是然不可不隨文而解其義也補正有此一 右文王世子 1000

氣調 削 **台矣集說上神在天之神也似用皇氏說纂言箫載** 神 與大臣倍 降上 無所 定按上 **地孔疏** 生也 神也當依皇 之上 以治 南 神與其先祖玩 預陰 郷 神指其亡親謂之先祖並 以此節專爲祭先祖言不兼郊社故謂指其精 政安君政不 與法對言之 此皆從其初 節 而 無 一氏解 影 抱陽 二 列則士不事法無常則 同刑肅 以事鬼神上帝鬼神即先祖也 死 手因法 與字自 机 者 īE 而俗敝郎法無常也祭言倍 則以無禮故 幽陰之 無常 是 爲 天神皇氏云上 丽 尺不歸土不可禮無列也故 也法無常 神然與與字 至 兩

言從疏 墨史超皆史也衛集說項氏蔣氏亦有此意而未明言纂 所以養之之意也鄭註改義纂言集說從之 辭讓之所以養安禮義文理之所以養情通此則可知 前巫後史此史乃祝史非記言動之史也春秋傅史筐史 肅敝 以養 則字貫下法無常亦政不正之所致也纂言以君 相爲質家語次節作運相爲主 治以合上交不知治政安君只 皆因君位 無常對言非是及以君位危爲君不安以法無常 兩語分 人為本故日其居人也日養馬氏曰荀子云恭敬 說與集說 明然君位危三字當政不正政不可 危而致也禮無列不 同 因法無常而 事也 非是當 正以 位 儿 75 俱 刻不

深 也寫謂當是界限之意 則以事言俱難强通廬陵胡氏引春秋傳貢賦無藝藝極 分則指禮爲藝集說功有藝如樹藝然分藝同而藝之 爲治身之器三說大旨畧同然俱未安方氏曰凡有形 用也張子曰禮器言禮大體完備若成器然集說云以 有藝協於分藝藝之 而通茂而有閒卽細行而不失也連而 以功有藝爲各當其材以協於分藝藝爲材能而藝之 周氏馬 右禮 不苑也動 運 氏說爲得也 而不相害創並行而不謬也 意藝字不知作何解 人成器如 不相及卽大積 表報

未合竹箭有筠飾於外者似禮之交松柏有心主於內者

也之意故在外別諧而在內則無怨也鄭氏以大端

有筠爲柔刃於外松柏有心爲和澤於內似皆

在貫四時而不改柯易葉上熘所云雖之夷狄不

大本竹箭

松

柏

Ē

竹箭

箭

中虚

故以筠言松柏中實故以心言二者當指竹箭

一也松柏一也大端言此天下之物之大者

而動

容

周

旋

中

禮

非盛德乎如此看未知是否

刃於 未是自 禮之厚薄以地 八鳥器 治樽俎 也者以下皆就禮器言之人皆有能 君子身心言之下却云外内協 筠故於 禮 牾 定 亦未安篡言從張孔皆非是 此由逐句釋義於 外内無怨 國 之本柔 Ż 釋 類疏 外與人諧內和澤如松心故於 回以 數 則亦其類也集說以助祭執事言之 刃和 以 廣狹與年之 指 承 爲禮之 下則皆得之孔疏言君子內外俱美柔 和澤 司 擇 **完**二 非 徒奉牛司馬奉羊非是若庖 大經 鄭註亦未合也張子釋 於 內愈非是集說 禮之 大倫 服 也 則又皆以人言自 业 疏 此禮之一定者也 内無 加 從宜者 탈 |淘 然是 措則 端 愈疏矣 外 爲 誻 承三本 冶 内 陊

箾 **派至尊於瓶爲宜之事似屬牽强禮也者體也** 是稱字意也纂言以此上皆言稱之事是而又以君子不 自禮有以多爲貴者至蓋言稱也發明稱字意此以下 及 除陸氏謂羔豚爲小祭祀太牢爲大祭祀其說是也 事此自分明而以君子之於禮也二節爲順之事 倫蓋重言之禮之薄厚當在以地廣狹之上句倒耳 亦用少牢故以百官言之纂言從疏說非是集說全 牲乃士之無田者無田之士豈有百官乎天子諸侯之 此亦疎甚矣廬陵胡氏謂羔豚太牢總指天子諸侯 **叉舉多少覆解之以見例自君子太牢至得其道矣仍** 而祭指少牢言羔豚卽羊豕也疏泥羔豚 是二 也至其猶醵與言時之事此亦可通至 節言體 一字謂

電之 **巡豆俎祀爨黍肉而已無遵豆俎而此經云盛於盆尊於** 燔柴以祀之若尸卒食之祭不應宗廟不燔柴而饎**爨 瓶故以爨當之然以義彝之作竈爲是祀竈配以老婦** 字得之也 可云老婦之祭矣禮文殘缺有不可考者又爨祭見於 記本與或作竈則當指夏配竈言竈火神夏叉火令故 唯稱字最多其明體字亦自明白其他 經交則無之凡此皆當闕疑而别本旣作竈字則從竈 乃燔柴也鄭改奥爲爨以爲尸卒食後之祭疏以夏 禮大而暴禮小故改爲爨而不從別本作竈祀竈有 分劃也 亦不能以强分屬矣大抵 1 1 雜舉而言之不

語內之名也孔疏誤當以儀禮註疏正之集說以俎盛羹 當有之 金王斷割無示和之義郊特牲龜爲前列先知也以鐘 竹箭皆非祭祀所用而三牲魚腊邊豆之薦則饗賓客亦 之大饗故些之於此國語肆夏天子所以享元侯此亦言 所言鄭指祫祭蓋承大饗腥而言然金與龜及丹漆絲 大饗其王事與案周禮疏大饗有三一祫祭一饗五帝於 及定誤之甚矣俎可載肉不可盛羹此皆不考之言 也儀禮鄭註定猶熟也賈疏肉熟卽止故謂熟爲定定非 夏而送之畧同姑記所疑於此 雅肉謂之羹儀禮奠定羹飪皆以羹爲肉非肉汁之羹 **饗賓客周禮大司樂所云大饗則饗賓客也按此節** 疑 此本言饗賓客之大饗而記禮者以爲大饗

人卷三

郊特牲孔疏謂變金言鐘者貢金所以鑄器莫大於鐘此 **屬强解其謂示和則以金或從或革亦强解也** 以和居参之也與此正同則金卽指鐘而 示和孔疏謂示其柔和集說謂示諸侯之親附皆非是 右禮器 《俗三 蓋

讀書記疑卷之三終			
			11117